



| TEATRU XOVELLANOS |


*El Teatru Xovellanos tien preparada p'abril una programación estrada d'actividaes de primer fila. Un mes enllenu d'espectáculos de danza y tamién numerosos conciertos de música clásico. De cualquier manera, tamién va haber tiempu pal ciclu de “Músiques del Mundu” y pa delles representaciones teatrales de referencia.*

## Teatru, danza y música clásico, combináu del Xovellanos p'abril


El ballet del Teatru Nacional de Brno, Elíades Ochoa y la Compañía de Danza de Sol Picó, principales atracciones del mes

 El día 27, nel marcu del ciclu **Músiques del Mundu**, el Teatru Xovellanos va acoyer a Elíades Ochoa. Llegáu de Cuba, va repasar boleros esgayaos y guaraches con rixu 

### Día Mundial de la Danza

 El pieslle doráu a la programación d'abril va ponelu'l xueves 29 la Compañía de Sol Picó, que va presentar la obra La dona manca o Barbi-Superstar, onde seyes baillarines y tres músicos s'entreguen a la construcción del imaxinariu femenín a lo llargo de 60 minutos. La cita va coincidir cola celebración del Día Mundial de la Danza.

**N**esti segundu trimestre, el Teatru Xovellanos recupera actividaes típiques d'esti tiempu, como l'Alcuentru Internacional de Pulsu y Púa o la representación de **“Byzantium”**, baxo la direcció de *Ramón Calleja* y cola participación del *Coru Kontakion*. El miércoles 14, tres de la Selmana Santa, les tables del Xovellanos van acoyer **“Hasta que la boda nos separe”**, de *Roberto Lumberas Blanco*, Premiu de Testos Dramáticos Alejandro Casona. *Roberto Corte* va dirixir a los actores de *Barataria Teatru* nesta obra que tien recibies crítiques mui bones. Y pa dempués, más música. El día 15, la cita ye con la *Orquesta Sinfónica del Principáu*, mientres que'l día 16 va ser **“Pauline en la Playa”** quien-yos garre'l relevu col so pop dulce de lletra talentoso. Les asturianos van presentanos l'últimu trabayu que tienen acabante sacar **“Termitas y otras cosas”**. Y otra vuelta, de la música a la danza. El sábadu 17, el Ballet del *Teatru Nacional de Brno*, con coreografía de *Jiri Kyselak*, va dar cuenta nel teatru de **“La fille mal garde”** (La fía rebelde, Les precauciones inútiles o la Picardiosa Lluisa). Tres del **“Bravo Asturianísimo”** del día 18 y el concierto del **“Trío Guarneri”** qu'organiza la Sociedá Filarmónica, el teatru va acoyer el día 21 una gala de danza col *Ballet del Principáu d'Asturies*, la **“Gala Carmen Elvira”**. El xueves 22, el públicu aficionáu a la música clásicu va disfrutar otra vegada de la OSPA, mientres que'l 24 y el 25 los amantes del ciclu de **“Músiques del Mundu”** van sorprendese con **“Los Tambores de Yamato”** y el so **“Tamashy”** (voces del corazón). Llegaos del Xapón, “Los tambores de Yamato” van asombrar al públicu de Xixón col sonar de la so percusión.

Los encargaos de baxar el telón y zarrar el patiu de butaques esti mes van ser Producciones Illana, col so **“Star Trip”**, un espectáculu nuevu amagostáu col humor negro que los marca. “Star Trip” va metenos pel abluante y absurdu mundu de la ciencia ficción y l'espaciu 

Star Trip de Producciones Illana El Coru Kontakion en Byzantium  
Los Tambores de Yamato La fille mal garde. Ballet del Teatru Nacional de Brno